

Mga Detalye ug Paghanderaw nga Kalihokan sa Lucas 17

MANWAL SA SEMINARY ALANG SA BAG-ONG TUGON

Basaha og maayo ang Lucas 17:11–14, nga may pagtagad sa detalye.

Human mabasa, sulayi pagtubag ang sama ka daghan sa lima ka mosunod nga mga pangutana kutob sa imong mahimo nga dili motan-aw sa mga kasulatan.

1. Unsa ka suod ang mga sanglahon ngadto sa Manluluwas?
2. Unsay gihangyo sa mga sanglahon ngadto sa Manluluwas?
3. Unsay gisulti sa Manluluwas ngadto kanila?
4. Pila ka mga sanglahon ang adunay hugot nga pagtuo sa paghimo sa gihangyo sa Manluluwas?
5. Unsay gipanghimo sa mga sanglahon sa dihang nangaayo sila?

Ihanduraw kon unsa ang imong gibasa.

Hunahunaa ang imong kaugalingon isip usa sa mga sanglahon nga nalimpyo.

- Unsa kaha ang pagbati nga mamaayo gikan sa sangla? Unsa man kaha ang imong bation?
- Ngano kaha nga ang pagkaayo nahitabo man dinhi niini nga asoy “dihang nagpanglakaw sila”? (bersikulo 14).
- Unsa kaha unta ang imong mabuhat dihang imong naamgohan nga ang Manluluwas miayo kanimo?